

40 Joor sinn umme, drumm laade mir mit dr Sunne

Nur wäg dr aigene Energie
sin mir hüt 40 Joor dr by!

Zum unser Sujet nit z versaeue
hämmer dänggt bim Waagebaue,
zerscht mache mir zwar nit zum Spass
e perfäggt e Mise en place.
Platzmässig wänn mir au nit spaare
mir bruche ebbe zwai drey Are,
sunscht hämmer afangs scho bim Bau
e Buff und immer wiider Stau!

Idee hämmer au im Grind
im Fall mir schaffe mittem Wind,
denn hole mir au trotz dr Gryyse
bi dr Lottner AG s alte Yyse.
Ziegel, Baggstai, Sand was solls
hole mir uffem Bruederholz.
Latte, Bälge von ere Wand
filze mir uss em Restaurant,
La Torre haisst dä Gammelbau
und s müffelet alles wye e Sau!

Mir bruche Hammer, Neegel, Schruve,
dye sin vom Abruch vo dr Trube,
dye liggt so irgend im Gebiet
zwüsche Aesch und Himmelried!

No bruchts no Farbe au zum Spreye
wo druff stoot ... „Gebrauch im Freye“,
dä wo sy holt, dä duet me wähle,
so waiss e kain wo dye jetz fähle!

Denn sueche Gwäggi in de Käller
vo Ventilatore nur d Probäller,
denn wenn so aine zringsum rollt
hämmer bis zue siibe Volt,
und zwüsche ihne maint dr Hampe
„...Längt das guet für mi Taschelampe ...“!

Au wenn mir Photovoltaik trybe
no nämmemer tönti Autischybe
und montiere sy obe druff
so wärme mir no dr Waage uff!

Drumm wenn me spaart an Energie
sin mir Basler-Gwäggi voll drby,
dr Waage ... no drey Joor Abstinänz
wird gsponseret vo Mercedes-Bänz
und Zugspagette wärdets gsee
dye griege mir vo dr IWB!

E Brief kunnt no vo Meyer-Jäggi

„Gratuliere ganz hätzlig de Basler – Gwäggi“

*D' Ladäärneusstellig isch vom Fasnachtsmändig z nacht, em
27. Horni bis am Fasnachtsmittwuch demorge, em 01. Merz
uff em Minschterplatz. Me kaa dert au die ganz Buschle
Zeedel, dr Rädäbäng und d'Blaggedde kaufe. Uff em
Kasäärneareal sin zer glyche Zyt d'Requisite und d'Wääge z
bschauen. Mir fraie ys uff iire Bsuech.*